



# Gaa-inaabikesing weweni ji-ayaag mashkodeng

Enbridge gaa-izhinikaadeg odayaanaawaa gaa-inaabikesing mashkodeng Alberta, Saskatchewan gaye Manitoba, Mashkodeng gaa-izhinikaadamaang. Omaa izhi-aabadan aki bebakaan gaa-inigokodeyaag) Edmonton Alberta e-onji-inaabikesing miinaawaa dash Saskatchewan apan Gretna Manitoba gaye dash Hardisty Alverta wedi jiiigiya'ii Gichi-mookomaanakiing imaa zhaawanong Alberta.

Iwe Enbridge gaa-ayaag inaabikesijigan Mashkodeng, anaamakamig izhi-ningwa'igaade. Badakidewan dash gikinawaajichiganan ji-naagwak aaniindi ezhi-ningwa'igaadegin ini inaabikesijiganan. Giishpin wii-moona'igeyin jiiigiya'ii imaa, ganoonishinaam jibwaa-doodaman iwe omaa 1-867-587-7000 (ji-mazina'ige-giigidoyin) gemaa omaa ozhibi'igen [crossingrequests@enbridge.com](mailto:crossingrequests@enbridge.com).

Giishpin waabandaman gegoon inakamigak gaawiin gwayak inendaman imaa jiiigiya'ii inaabikesijiganing, wiindamawishinaam zhemaak, ji-giigidoyin omaa **1-877-420-8800**. Nin-gaminwendaamin doodaman.

## Giishpin ojaanimendaagwak

Ngoding gegoon izhise inaabikesijiganing, gaawiin moozhag, giiyaabi dash gegoon daa-izhise. Giishpin owe izhiseg:

- Minaandaman bimide, gaye gaa-niizhwewanagakin waasigani-bimiden,
- Noondaman gegoon daabishkoo enooding gemaa e-gichi-initaagwak
- Waabandaman enibiiwang ngoji gemaa gaa-makadewaagamig gegoon gemaa gaa-makade-ozaawaagamig gemaa gaa-ozaawaagamig

## Owe gi-daa-izhichige:

- Aatawe'o asemaansag gaa-jaaizowaad gemaa godag gegoon gaa-jaagideg
- Aatawebidoon gegoon gaa-bimibideg
- Izhi godag awiyag gego ji-biizhaasigwaa imaa
- Maajaan zhemaak, wewiib, ngoji bakaan, gaawiin wiin gaa-inaanimag inake
- Ganoosh Enbridge agindaasowin **1-877-420-8800** gemaa gaa-izhiganoonadwaa gegoon gii-izhiseg

## Gego owe izhichigeken:

- Gego zaaminangen iwe gaa-nibiiwang gaa-izhinaagwak
- Gego bimibidetooken gegoon gaa-bimibideg
- Gego aabajitooken gegoon ge-onji-zaka'igesegiban (giigidowaabikoons, giigidowin, waasikwanenijigan) baamaa ayaayin waasa inake
- Gego zagaswaaken gemaa ji-zaka'aman ishkodens gemaa zaka'igan

